



ЧАННАЦУКУ

«ЗВЕЗДА»

22 февраль 2019ш
ножмар
№ 8 (6641)
Багъа 8,5 кѳуруш

12+

Газета буклаккиссар
1951-ку шинал
ноябрьдания шинмай

Учредитель: МКУ «Ккуллал муниципал районналул администрация» РД
МКУ «Администрация Кулинского муниципального района» РД

Барча буллай ура

Хурмат бусса Ккуллал районналул агъалий, къамул дуvara даКІнихтунусса барча баву Буттал кІану буруччул къинилушал!

Февралланул 23 - ва ляличисса къинир аьрасатнал календарданийсса. Ва къини жува хурматрай буру жула паракъатсса оьрму буруччаврил къаралланий бавцІуминнан, бусраврай кІицІ лаглай буру гражданинал бурже аьралуннал ва флотрал къюкьраву лавхъуми, аьскарнал къуллугъ даКІнил ва къадарданул лавсунал. Буттал кІанттуйн мукІрушиву, къирият, чумартшиву, ва жула талаталал данди ацІаврил пагъму - ва ца агъанмур гъануну хъанахъиссар бюхттулсса Аьрастанал паракъатшиву, мюхчанишиву дуруччавриуеусса.

Жула даКІурдил куртІнива барчаллагъ тІутІиссару дяввилул ва ярагъуннин гужирдал ветерантурахъ. Зуйн икрамрайссару Ватанналуха бюхттулну къуллугъ баврихлу мунил тарихравуеусса яла захІматми чІуннардиву. Хъун буллай бакъару, оьттуйну ва гъухъайну салкъи хъуссар оьпыт ва хъхъичІни аьдатру, цийгу хІакъинусса къини эьратну хъанахъиссар му ххуллх нанинан, жула билаятрайсса цІанасса военнослужащійнан.

Февралланул 23-нний жува абдатравун дагъсса къяйдалий барча буллай буру циняв арантал, ми армиялуву къуллугъ буллай бивкІсса бухъурчагу, паракъатсса чІумал нишардай зузисса бухъурчагу.

Жула билаятрал авадансса тарихрал чІалачІи буллай бур - къини дурксса чІумал къуллугъ буллагисса аьскартурал чІарав ца къюкьлуву бацІайшиву хушрай къини лахъан бувккисса къужрая оьрчІарайн бияннин сса инсантал, цала кулпат, мина ххирасса Ватан дуруччин.

Хурмат лавайсса районналул агъалий! На зун чІа тІий ура. дуняллий дакъаву, кулпатирттаву нахІушиву ва паракъатшиву. Зун цинявнаннагу цІакъ сса цІуллушиву, къулайшивуртту ва тІайлабацІу!

Хурматрацал Ккуллал муниципальный районналул бакІчи Ш.Р.РАМАЗАНОВ

Буттал кІану буруччул байранналушал!



Буттал кІану буруччул къини ва хъанай дур чумартшиврул, чувшиврул, къириятрал ва ватан ххирашиврул байран къини, цувгу гъарца шинал февралланул 23-нний хъуна дакъайсса.

Оьрмулул бугъараминнан ва байран къини даКІний дур цал ЯтІул аьралуннал ва флотрал байран къинину, яла Буттал кІанттул цІанийсса Хъунмасса дявви къуртал хъуну махъ мунийн Совет аьралуннал ва хъхъирил дяввилул флотрал байран къинину кІицІ лагайссия. Утти тІурча 1993-ку шинная шихун май кІицІ лаглай бур Буттал кІану буруччул къинину. Ва байран къинилул цІа цимил

даххана хъурчагу, му муданнагу хъанай дур армиялуву къуллугъ буллагиминнал, дяввилул ветерантурал аьралий къуллугъ бувну бувкІминнал ва къуллугъ буллан гъан хІадурминнал ва хІадур хъанахъиминнал байран къинину. Ва байран къини марцІну арантуннал байран къинину ккаллий дулларчагу, буттал кІану буруччавриву мудангу хъхъичІунсса гьурттушинна дуллай бивкІссар ва буссар жула хъами – душругу. Миннуягу жунма цинявнангу ххуйну кІулссар.

Буттал кІану буруччаву муданмагу агъамсса буржну хъанахъиссар арамтурал хъхъичІ бавцІусса.

Буттал кІану буруччин хІадуршивугу ккаккан дурссар жула арамтурал иш багъсса гъарца чІумуву. Мукун буттал кІану, ватан дуруччай бивкІссар граждан дяввилул шиннардий, Буттал кІанттул цІанийсса Хъунмасса дяввилул чІумал ва муния махъ жула республикалийн чачаннава бандформированиярду ххав ххун нанисса чІумал.

Буттал кІану буруччул байран къини билаятрай цинявннал аьмну кІицІ лаглагаврийну гъанусса кІану бугълагъиссар жагъилсса никгу буттал кІану ххирану тарбия бавриву. Буттал кІану ххирама, мудангу хІадурссар буттал кІану буруччингу.

Барча буллай цинявпагу буттал кІану буруччул къинилушал, чІаучинну цинявннал цІуллу – сагъшиву, дуллагимуниву тІайлабацІу! Арх баннав жуятува дяввирду, къабияннав ттявхшавхлил чІурду, къаришуннав янсавлул къанкъ, мудан дарунува, чаннанува личІаннав жула цинявнналагу ялувсса ссав!

КІанттул инсантурал сипталиину



Тамансса дайшишурду, захІматшивуртту хъуна дакълан дикІай кІантту-кІантурдай ратІин аьркинсса налогру цила чІумал ратІавриву. Му даву низам-райн дагъаву мурадрай февралланул 19-нний райадминистрациялуву хъусса сове-

щаниялий муниципальный районналул бакІчинал заместитель А.Давдиевлул гъаз бунни масъалал гъарца шяраваллавуеу школардал директортурал тІалав дуван цала зузалтраяту справкарду аьрщарахсса, къай-къуй лухсса (къатрахсса), транс-

портрахсса ва цаймигу \налогру щаллуну дуллушиврийсса мартрал 30-нин щаллу дуваву.

Шиккува гъаз бунни кІантту-кІанттурдай сипталиину дуллансса давурттал программарду щаллу даврил, миннувух хІала

буххаврил ялувсса масъала. Жула районналийгу чІярусса давуртту душиву кІицІ лавгунни муниципальный районналул бакІчинал заместитель А.Давдиевлул, каши дусса инсантурал кумаграцІух ва жува хІала бувххун дуллансса. Жула районналийгу аьркиншиву ми программардавух гьуртту хъуну, шуруци дуван.

КІанттул администрациярдал бакІчитурацал хІукму хъунни чІал къавхъуну му масъала жяматирттацал ххал бигъинсса.

Заседаниялий мукунма вичІи дирхъунни школардай медкабинетру ва гъели буллагисса туалетру щаллу баврил ялувсса масъалалух, кІицІ ларгунни микку хъуна дакълаккисса дайшишурду ва захІматшивуртту ци дуссарив.

Авгъаннаву гьурттухъуминнацал

Авгъаннаву дяввилый талай бивкІминнан хас дурсса вечер хъунни 14-нний февралланул ЧІяйннал магъирлугърал къатлуву, библиотекалул зузалтрацал ва чІяйннал школалул оьрчІацал, шяраваллил хал къуннацал.

Вай участниктуран хас дурсса вечер тІиртІунни магъирлугърал хъунмур Алхасова СалихІатлул.

Участниктуран хас бувсса доклад бунни библиотекалул хъунмур Ибрагъимова Гурсаланнул. Ванил бувсунни ЧІяйннал шярава ту лавгун бивкІшиву 7 жа гъил къуллугъ бан. Мий дяввирдал цукунсса зараллу биян бувссарив, циксса жагъилсса оьрчІру ливтІу ссарив. Оьвкуну бувкІун бия Чехословакиянаву, чачаннаву хъусса питнардаву гьуртту хъумий. Цала ихтилатраву кІицІ бувна (Ахир 2-мур лаж.)

Цала хларачат булларча, занналгу ка бакъайссар

Инсаннаву цимурца цану, цакуну дишин къашай. Га чивину унува чан-чанну тлий зузи уллай захлат ххирасса увай, къабучир-бучир тлий ас-ламус, ях, къирият, инсаншиврул гунардан гьанурду бизай.

Му даву цаннал дуллалини бигъану къадиклай. Дакъанугу иш багъний дуван багъай.

Адаминагу чянива ивкуну Хьювхатусса Айшала цилалу хунма бувна цила ца бакъа бакъасса душ Магъликаят.

Га чивину бунува цинма кумаг буллалли буну, чичимур бангу къабитлай захлат ххирасса, инсаншиву дусса хъхичлун бурвгсса инсан хуна.

Чун дирукун Магъликаят дуклан бувххуна Махлачкъалалив университетрал Дагъусттаннал филологиялул факультетравун 1998ш къуртал буну, Магъликаят Омариевна зун бивклуна Хьювхиял школаллий ниттил мазрал учительницану.

Хларачат бусса буну тлий ванихъхун дуллауна тарихрал дарсругу, зий бия ва

библиотекарънугу, географиялул учительнугу. Магъликаят Омариевна цийва бивхусса бурждакI марцIну биттур байва.

Чун дирукун хуна ванил оьрмулул гьалмахчу Магъди-2-мур ЦIувкIратусса. Магъди зий ия Хьювхиял школалул завучну, физикалул ва математикалул учительну. ХIурхIацIакул цавщуна вайннал цанма лайкъсса кюру, бувуна кIия арс ва ца душ цивгу цIана дуклай пиша лахълахъхисса.

Магъликаятлул дуллалимунил лайкъсса кымат бивщуна, ва хуна Аьрасатнал образованиялул хIурмат бусса зузала. Ванил хъхичлунсса клантту бугъай районналийсса олимпиададай, личи-личисса конкурсирай. Мунихлуну ваничIа дур диялсса хIурматрал грамотарду, диплому образованиялул управлениялул, районналул администрациялул чулухасса.

Магъликаят Омариевна хъанай бур УО-лучIасса ниттил мазрал метод объединениялул хунмамур.

Ва гьуртту хуна жула районналий хусса ниттил мазрал «Учитель года» бьст ччалливу. Шикку ванил бувгъуна цалчинмур клану.

Яла хъхичлунмур ниттил мазрал ва литературалул учительница хIисаврай жула районналия Магъликаят Омариевна лавгуна гьурттушинна дан Махлачкъалаливмур бьст-ччаллил давривух. Гиккуну Магъликаят бивккуну клилчинмур клану бувгъуну.

Укун хларачат бусса инсан бур Магъликаят Омариевна. ЦIанасса чIумал Магъди зий ур стройкардай, машиналий. Ва ур хларачат бусса, захлат ххирасса чичимур даврил бюхъу бусса инсан.

Жула учайссар: «Лас ва шар ца бакIрацIа ца ухнила къукъайссар»-куну вайгу кIивагу лайкъсса захлатраву шавхусса хларачат бусса инсантал бур.

-Инсаннал цалагу хларачат барча, занналгу ка бакъайссар, тIун бикIай жула. Ка бакъиннав зухъхун Магъди ва Магъликаят, оьрмулуву тIайлабацIу баннав!

Р.МахIаммадов

Авгъаннаву гьурттухъуминнашал



(Дайдихъу I-мур лаж.)

Алхасова СалихIатлул, ЧIайннал шяравату лавгун бивкIшиву 7 жагъил къуллугъ бан

Лачинов-Лачин-аьпалухъхун лавгунни, Багов Джамалуттин яхъанай ур МахIачкъалалив, Къадиев Къади-Москавлив, Пидуриев Амин-Москавлив, Аьлилов Аьлил-Каспийскалий, Рабаданов ХIусайн-Къизлярдай, Маммедов Аьбдул-Басир-Сахалинай. Бувсунни вай чув яхъанарчагу цIулушиву дулуннав Аллагънал буний заннал ябаннав ций тлий.

Ихтилат бунни Чехословакиянал иширттаву хъусса Ильдаров МахIаммадлул бувсунни цанма кквкмуния МахIаммад барча уван празникрашал магъирлугърал хъунмур Алхасова СалихIатлул дулунни подарок.

Ихтилат бунни ЧIайннал шяраваллил бакIчи ва чачаннашалсса дяъвилул гьурттучи МахIаммадов Исаял.

Мукунма ихтилат бунни шяраваллил участковый полициялул капитан ЯхIияев Назимлул.

Вай участниктал барча бувна учительница Шагъабуттинова Гулял, дурккуну школалул оьрчIал назмурду, увкунни балайрду. Вечерданийн бивкIмий ливчIунни рязину.

С.Алхасова,

магъирлугърал къатлул хунмур



Лаккуя бизан бувмий

1944-ку шинал февраланул 23-нний мичи-ххичнава чачан бизан буну махъ, миннал минардайн бизан бувссар Лакрал ва Ккуллал районнасса инсантал. Миккун лак бизан бавугу хъуссар анавархъиннарайсса. Бизан буну нанинахъхун дурагу кIира ссят дуллун диркIун дур хIадур хъун.

СССР-данул совнаркомрал 1944-ку шинал мартрал 11-сса Распоряжениялийн буну ва ДАССР-данул совнаркомрал хIукмулийн ва ВКП(б)-лул обкомрал бюрорал хIукмулийн буну Ккуллал ва Лакрал районная ряхтту-ряхттуршра хозяйство дизан дуван ккаккан буну бивкIун бур. Амма клантту-клантурдайсса каялувчитурал хларачат буну бур ххину-ххиша лагуну план биттур дурну хозяйстварду ва инсантал бизан бунан. Мукун Лакрал районналия дизан дурну дур 962 хозяйство 3739 инсаннашалсса. Ккуллал районналиягу 737 хозяйство 3028 инсаннашалсса, яний вайннал хларачатрайну 499 хозяйство ва микку ялапар хъана-

хисса 2000 инсан ххисшала бизан буну бур. Вай циняв бизан буну бивкIун бур 43 шярава, миннува 26 шярава тIурча цинявпава бизан бувсса хуно бур.

Хьинну хунмасса захI-

мат бивхъуну бур цIуну дурсса ЦIусса лакрал район ччаннай дацIан дан. Шиккун бизан буну махъ баргъ лавчIун, цIал дирну къашавай хусса циксеагу хуно бур. ЧIавусса ин-

сантал къашайшиврул, ккаши-мякIлил литIлай бавчуну бур. 1944-ку шинал 693 инсан ивкIусса хуно ур, ва шинал увагу 54 оьрчI увсса хуно ур. 1947-ку шинал ахирданийнин мичи-

ххичнавун бизан бувсса инсантурал шанма бутIул ца бутIа (2000 инсан) ливтIусса хуно бур. МиннацIун дяъвилул майданнайгу 600 аьскар ивкIусса хуно ур.

ХIисав дурсса чIумал шаллара дизан дурсса 18 шяраваллива 6 шяравалу цIа бакI духларгусса хъанай дур.

Районгу ччаннай дацIан дурну гуж-хуш цайнма цивпа букIлан бивкIсса чIумал, цIунилгу ЦIусса лакрал районналул духIан багъунни бандформированиялул чапхунчишивуртту ва хунни миннашалсса данди бацIавуртту

Утти тIурча цимигу шинни ЦIуссалакрай районналия цIусса миналийн бизлай, ахир дучIан дан къабюхълайнма.

Вихшала дишинну умуд къакъукъинну му кьинигу ахиргу дуркIуну паракъат хуншиврийн.

Суратрай: Лаккуя бизан буну нанисса шяраваллал инсантал



Ца цлуци клану хьуну бия

Афгъанистан 80-ку шиннардий жула ца цлуци клану хьуну бия.

1978ш Авгъаннаву революция хьуну халкъ куннайн ку биллай, талай бавчукун, Х.Аминнул жула хьуниминнахь аьрал бакъира жучлан увкуну махь ялун пикри хьуну, жуйнма тай къарши къабуккан бавкъусса аьралуннал 10 шинай оькъи бувтун бур 15 азаринсан ливтуну, 300 щавурду дирну, 150 бирибат хьуну бур ссал цланый, циваннив щинчлав клуну бакъар. Му дьэвилулу гьуртту хьуну ур ххюя-ряха Къяничувгу: Цаххаев Насруллагь Ис ламлул арс леххултрал аьралуннаву аэродром ябуллай ивкун ур, Махлammaдoв Исакь Аьлил арс, бахьтта гьалтрал аьралуннаву ивкун ур, Аьлисаламов Айгу Аьвдуллал арс, Хласанов МахлammaдтIагьбир бензин ххилай бензин буххай машиналий зий ивкун ур, Гъазиев Юсуп Гъазима хлammaдлул арс талай ивкун ур десантний

войскалуву ва мукумма цаймигу.

Махлammaдoв Исакь увссар Къяннал шяраву 1969ш яттихлухчил кулпатраву. Къянив мйра шинал даражалул школагу къартал бувну, члун дирукун 1987 шинал лавгссар Совет Аьралуннаву къуллугь буллан.

Ванал Туркменнаву дачли шин дурну дур, авгъаннаву бичиннин хладур хъанай.

1988ш Исакьлул дурну дур Авгъаннаву бахьтта гьалтрал аьралуннаву.

Ванал чагъарду бу члайва Кабуллая, Гейрат рая, Чикчиннардая, Кандагардая ва м.ц. шагъур дая.

Исакь дакнин бутлан иклай цивппа вертолетиртая алхъантрай бавхлуну ххяллул лув итабакъайва тлий душмантал бурив ххал бан тлий.

Тамансса щавурду дирну дия Исакьлуин та авгъаннал дьэвилулу.

Тания махь Исакь

къуллугь буллай ивкун ур Махлачкъалалив, Буйнаскалий. Цанасса члумал ва зий ур буттал шяраву цала члири-хьунсса хозяйство дурну. Ванал кулпат Лимунатлушал бувунни шанма оьрчI: клива душ шар хьуну ласкъатрай бур, члана чливима арс университетраву дуклай зий ур.

Исакьлул авгъанна-васса бахшишруну хъанай дур медаллу: 70 шин Совет аьралуннан, «Воину интернационалисту», «От благодарных аганнского народа», Почетная грамота ВС СССР ва м.ц.

Ва дьэвилул цлараву ивкун уна Исакьлул хлукуматрал чулуха цайминнан булайсса къатта къушвагу къабуллунни. Умуд бур уттивагу ци бунугу ка-кумаг банссар тIисса. Ка бакъиннав вихъхун вила кулпат ябу ван, оьрчI шаллу увну цал ххуллин утан.

Р.Махлammaдoв

Дьэвилул лахIзарду

Авгъаннавату аьрал буккан бувну зувира шин шаврин хас дурну Вихьуллал шяраву хьунни муни хасъсса вечерду культуралул къатлуву, школалий, оьрчIал багъраву. АцIния ххюнний февралданул культуралул къатлувун бавтIун бия, дуклакки оьрчIру, учительтал, шяраваллил агьлу. Вихьуллал шяравату авгъаннаву таланлавгун бивкун бур АхIмадoв Сагид, Сулайманов МахIад, Буттаев Бутта, Нухов МахIад, Аьлиев Заркибри, МахIammaдoв Аьлил. Вай циняв сагъ-салаиатну зана хьуну бур. Бакъар вай яхъанай цавагу шяраву. ЧIанкIаев МахIammaдлул бутта, ЧIанкIаев ЧIанкIал бувсунни цува цукун ялугъий ивкIссарив оьрчIах учланнин ва

оьрчIахьгу бувсунни чIявусса насихIатру. Мукунна ва вечерданий ихтилатру бунни культуралул зузалтрал, шяраваллил администрациялул бакIчи Сулайманов СайкIул. Дуклакки оьрчIал дурккунни назмурду Сулайманова М, Чупалаева А, Аьлиев А, Аьлиева Кь ва мукумма цайминналгу. Вечерданий гьарта -гьарзасса ихтилатру бунни школалул директор МахIammaдoв Аьлиллул, тарбиялул даврил хьунмур МахIammaдoва Жинасатлул. Муни я махь тарихрал дарс дишайсса учитель Аьшаев Салимлул вечерданийн бавтIминнан ккаккан дунни кино-суратру дьэвилул лахIзарду ххал буллайсса.

К.Оьмариева

Хьирив ЧIяйнал школалул дуклаки оьрчIал дурккуна дьэвилун хас дурсса дикломацияртту, бувккуна шеърирду ва бувсуна дьявлиясса дакIнин бичавуртту. Авгъан дьэвилул гьурттучитурал

лавхьуна цаппара цаймиий дьэвилул гьурттучитурал гу.

Гания гихуннай вай барча буллай ккаккан дувуна Ккуллал районналул маданиятрал зузалтрал концерт. Концертравух гьуртту хъанай бия: Къурбанов ХIабибуллагь, СалихIова Шавлухь, ХIажиева РайхIанат, МахIammaдoва Асият, Аьлие ва Саманият ва цаймигу. Концертрайр махь шикку ва сахIналий къур бувуна авадансса дукрарда шалсса ссупра. Ссупралух гу хьуна чIярусса дакIнин бичавуртту.

Барча Авгъан дьэвилул гьурттучитал зул байран

ХI.ХIусайпов

Хьуна бавкъунни «авгъанцы»

Февраль зурул 15-нний Ккуллал районналул маданиятрал къатраву хьунни Авгъаннава жула соллатI зана хьуну 30 шин барт лагаврин хас бувсса мажлис-тяхъашиву. Шикку гьуртту хъанай бия районналий яхъанахъисса Авгъаннал дьэвилул гьурттучитурал аьрал, шагъурдай яхъанахъисса Ккуллал районналул шяраваллавава Авгъан дьэвилул гьурттучитал. КIицI дуванну миннал цIарду: Закарияев МахIammaдХIажи, Аьлилов Аьлил, Магъдиев Аьликъади, МахIammaдoв Исакь, Магъдиев Жъпар, МахIammaдoв Закир, ХIусайнов Камил, ХIажиев Закария, Абакаров Рамазан, Загъидинов МахIammaд, ХIамзаев А, ХIасан ХIусайнов Расул, Джамалов Къурбан.

Мажлис тяхъашиву байбивхьушиву баян бувуна Ккуллал районналул администрациялул вивсса политикалул отделданул каялувчи Хизриев Шамхалал. Яла шаллу дувуна Аьрасатнал гимн. Ванал дьэвилул гьурттучитал барча бувна укунсса

ккурккисса шинну лагавришал. Дурккуна мукунна мажлисрайн гьуртту хьун бувкIсса дьэвилул гьурттучитурал цIарду. Авгъан дьэвилул гьурттучитал барча бан ванал махь буллауна мукума районналул ветеран турал Советрал председателнахъхьун Загъидиев

Аьбдуллухъхьун. Ялагания гихуннайсса даву гучин дувуна цалла Хизриев Шамхалал. Бувсуна ванал Ккуллал районналия аьмну хIисав хъанай бушиву 80-луннивун бивсса гьуртту читал бивкIшиву. Миннава жан къурван дурссагу хьуну бушиву.

ЦIания махь лавхьуна Хьусрациял школалул учитель ва дьэвилул гьурттучи Закарияев МахIammaдХIажинал. Ванал мукумма барчаллагь куна районналул бакIчи турахь цивппа укун бавтIун барча баврихлу. Ва уттигу цал хьуна бакъингу цахъхьунна хIалу дирриву кицI бувна. Махъру



Редакциялул адрес
368390, Республика Дагестан
Ккуллал район, ш.Ваччи
Издательнал адрес:
Республика Дагестан
Ккуллал район, ш.Ваччи

Газета регистрировать
бувссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хьунама редактор
А.И. Къяничев

Газета бавтIуссар «ЧаннацIуку»
газетрал редакциялул компьютердай
бившуссар ГАУРД «Издательский дом
«ДАГЕСТАН». Типографиялул адрес:
367018. МахIачкъала, пр.
Насрутдинова 61,

Буккайссар ножмардий цал,
Индекс: 51317
тираж 600 экз. Газета итаба-
кьин къулбас дайсса чIун 17.00,
къулбас дурсса чIун 16.00
gazetazvezda@mail.ru